



28/02/2025



MES 7 25 0000472101

გადაწყვეტილება

შპს „ბრიტანული სასწავლო უნივერსიტეტი საქართველოში“
"ბიზნესის ადმინისტრირების აღმასრულებელი სამაგისტრო საგანმანათლებლო პროგრამა მენე
ჯმენტში" ინგლისურენოვანი სამაგისტრო საგანმანათლებლო პროგრამის აკრედიტაციის
შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ემუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული "უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27²-ე მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე, იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵-ემუხლის მე-5 პუნქტის თანახმად, საბჭო ვალდებულია, დაასაბუთოს მის მიერ მიღებული გადაწყვეტილება.

1.2 „განათლების ხარისხის განვითარების შესახებ“ საქართველოს კანონის 22-ემუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ - ე მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27⁶ - ე მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან ან „არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნული ცენტრის დირექტორის 2024 წლის 26 ივლისის №909988 (ცვლილება ბრძანებაში №1435670, 07/11/2024) ბრძანების საფუძველზე, განხორციელდა დაწესებულების "საჯარო პოლიტიკის და მმართველობის" ინგლისურენოვანი სამაგისტრო, "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა ფინანსებში" ინგლისურენოვანი სამაგისტრო და "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა მენეჯმენტში" ინგლისურენოვანი სამაგისტრო საგანმანათლებლო პროგრამების კლასტერის შეფასება.

2.2. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მადიებლის მიერ ცენტრისთვის წარმოდგენილი არგუმენტირებული პოზიცია.

2.3. ზეპირი მოსმენა გაიმართა 2025 წლის 21 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მადიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში ასახული შეფასება, კერძოდ, 1.1 კომპონენტში არსებული კლასტერული რეკომენდაციები გადავიდა რჩევებში და ნაცვლად „მეტწილად შესაბამისობაშია მოთხოვნებთან“ შეფასდა როგორც „შესაბამისობაშია მოთხოვნებთან“, თუმცა, აღნიშნულ ცვლილებას არ გამოუწვევია პირველი სტანდარტის შეფასების ცვლილება.

1.3 კომპონენტში არსებული რეკომენდაციების შეიცვალა:

კლასტერის საერთო რეკომენდაციები:

რეკომენდაცია ამოღებულ იქნა - რეკომენდებულია, შპს ბრიტანულმა სასწავლო უნივერსიტეტმა საქართველოში შეიმუშავოს ცენტრალიზებული ჩარჩო სწავლის შედეგების სამიზნე ნიშნულების დადგენის, მონიტორინგის და დახვეწის მიზნით, რაც მოიცავს გარე დაინტერესებულ მხარეებთან რეგულარულ კონსულტაციებს სამივე პროგრამის ინდუსტრიასთან შესაბამისობის და გამოყენებადობის უზრუნველსაყოფად.

კლასტერული რეკომენდაცია:

დაემატა შემდეგი რეკომენდაცია - "რეკომენდებულია დაკორექტირდეს კურიკულუმის რუკები პროგრამის სწავლის შედეგების განვითარების თანმიმდევრულობის კუთხით და განისაზღვროს თითოეული სასწავლო კურსის როლი თითოეული შედეგის განვითარებაში".

შემდეგი რეკომენდაცია - "რეკომენდებულია, აკადემიური წერის / აკადემიური ინგლისურის კურსი გადატანილ იქნას არჩევითი საგნების კომპონენტიდან სავალდებულო საგნების კომპონენტში და სხვა სავალდებულო საგნებთან ერთად განისაზღვროს სამაგისტრო ნაშრომის წინაპირობად" - გადავიდა 1.4 - კომპონენტში.

1.4 კომპონენტში - კლასტერული რეკომენდაცია: „რეკომენდებულია, აკადემიური წერის / აკადემიური ინგლისურის კურსი გადატანილ იქნას არჩევითი საგნების კომპონენტიდან სავალდებულო საგნების კომპონენტში და სხვა სავალდებულო საგნებთან ერთად განისაზღვროს სამაგისტრო ნაშრომის წინაპირობად" - გადმოვიდა 1.3 კომპონენტიდან.

1.5 კომპონენტში დაემატა რეკომენდაცია - "რეკომენდებულია სტრატეგიული მენეჯმენტი და კონკურენტული უპირატესობის სასწავლო კურსის შინაარსი და ლიტერატურა შესაბამისობაში მოვიდეს სწავლების საფეხურთან - დაემატა რეკომენდაცია".

4.1 კომპონენტში არსებული რეკომენდაციები -

კლასტერის საერთო რეკომენდაციები:

რეკომენდებულია შემდეგი აქტივობების განხორციელება:

- რეკომენდებულია მოწვეული და აკადემიური პერსონალის თანაფარდობა იყოს აკადემიური პერსონალის სასარგებლოდ - გადავიდა რჩევებში
- რეკომენდებულია გაიზარდოს აფილირებული აკადემიური პერსონალის რაოდენობა. - გადავიდა რჩევებში
- კურსების დაბალანსებული განაწილების უზრუნველყოფის მიზნით რეკომენდებულია ახალი პროფესიონალების მოზიდვა და დაქირავება - გადავიდა რჩევებში.
- რეკომენდებულია დამატებითი ზომების მიღება უნივერსიტეტის აკადემიური პერსონალის გასაძლიერებლად დოქტორის ხარისხის მქონე კვალიფიციური პროფესიონალების დაქირავების გზით - გადავიდა რჩევებში.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² -ე მუხლის პირველი პუნქტის, 27⁵ -ე მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ -ე მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად,

გადაწყვეტა:

1. დაკმაყოფილდეს შპს „ბრიტანული სასწავლო უნივერსიტეტი საქართველოში“ მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა მენეჯმენტში" ინგლისურენოვან სამაგისტრო საგანმანათლებლო პროგრამას მიენიჭოს აკრედიტაცია 7 წლის ვადით 2032 წლის 21 თებერვლამდე.
2. ცნობილ იქნას აკრედიტაციის ექსპერტთა ჯგუფის დასკვნა "საჯარო პოლიტიკის და მმართველობის" ინგლისურენოვანი სამაგისტრო, "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა ფინანსებში" ინგლისურენოვანი სამაგისტრო და "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა მენეჯმენტში" ინგლისურენოვანი სამაგისტრო საგანმანათლებლო პროგრამების კლასტერის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2025 წლის 28 თებერვლის სხდომის №411240 ოქმის №03 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

- რეკომენდებულია დაკორექტირდეს კურიკულუმის რუკები პროგრამის სწავლის შედეგების განვითარების თანმიმდევრულობის კუთხით და განისაზღვროს თითოეული სასწავლო კურსის როლი თითოეული შედეგის განვითარებაში.
- რეკომენდებულია, "პროგრამაზე დაშვების მოთხოვნები და შეფასების კრიტერიუმები" წარმოდგენილი იყოს ოფიციალური მარეგულირებელი დოკუმენტის სახით.
- რეკომენდებულია, გადაიხედოს პირველი სწავლის შედეგი, "კრიტიკულად აანალიზებს მენეჯმენტის პროცესს და პრინციპებს, როგორცაა სტრატეგიული მენეჯმენტი, მარკეტინგის მენეჯმენტი, მიწოდების ჯაჭვის მართვა, რისკების და კრიზისების მართვა, ადამიანური რესურსების მართვა და სხვადასხვა ლიდერობის სტილი" იმისათვის, რომ იყოს უფრო რეალისტური და გაზომვადი.
- რეკომენდებულია, შესაბამისობაში მოვიდეს გარკვეული სასწავლო კურსების (ლიდერობა და ორგანიზაციული დიზაინი, მარკეტინგი და ბრენდის სტრატეგია) სახელწოდებები და შინაარსი. რეკომენდებულია, გადაიხედოს აღნიშნული სასწავლო კურსების სწავლის შედეგები, იმის უზრუნველსაყოფად, რომ კურსის შინაარსი ხელს უწყობს მათ მიღწევას.
- რეკომენდებულია, გადაიხედოს სილაბუსებში მოცემული სავალდებულო ლიტერატურა (ლიდერობა და ორგანიზაციული დიზაინი, მარკეტინგი და ბრენდის სტრატეგია, მსოფლიო დონის ადამიანური რესურსების განვითარება) სასწავლო მასალასთან თანხვედრის უზრუნველყოფის და სილაბუსებში მითითებული თემების დაფარვის მიზნით.
- რეკომენდებულია, სილაბუსებს დაემატოს დეტალური ინფორმაცია საბოლოო პროექტების შინაარსის შესახებ. სილაბუსებს უნდა დაემატოს ინფორმაცია პროექტის შერჩევის, სტუდენტის მიერ კონცენტრირების სფეროების, ნაშრომის ფორმატის, რეკომენდებული წყაროების მითითების, ნაშრომის სავალდებულო მოცულობის და სხვა მსგავსი საკითხების შესახებ.
- რეკომენდებულია სტრატეგიული მენეჯმენტი და კონკურენტული უპირატესობის სასწავლო კურსის შინაარსი და ლიტერატურა შესაბამისობაში მოვიდეს სწავლების საფეხურთან.
- რეკომენდებულია, გადაიხედოს პირველი მიზანი იმისათვის, რომ ჩამოყალიბდეს უფრო კონკრეტულად ან სიცხადისთვის დაიყოს რამდენიმე მიზნად.
- რეკომენდებულია, გადაიხედოს მეორე მიზნის ფორმულირება, "თანამედროვე ადგილობრივი ან გლობალური მმართველობითი გამოწვევების გაანალიზება და გადაჭრა" იმისათვის, რომ უფრო მკაფიოდ განისაზღვროს გამოწვევების სახეები და მათი გადაჭრის გზები.
- რეკომენდებულია, პროგრამას დაემატოს სპეციფიკური მიზანი, რომელიც ასახავს პროგრამის ორიენტაციას განავითაროს ციფრული ეპოქისთვის საჭირო ლიდერობის უნარები, ვინაიდან აღნიშნული წარმოადგენს თანამედროვე მენეჯმენტის განათლების მნიშვნელოვან ასპექტს და აუცილებელია ბიზნესის აღმასრულებლებისთვის.

რჩევები:

- მიუხედავად იმისა, რომ მიზნებში ნახსენებია ადგილობრივი და საერთაშორისო შრომის ბაზრის მოთხოვნების გათვალისწინება, სასურველია გაკეთდეს უფრო მკაფიო მითითება იმის შესახებ, თუ როგორ განხორციელდა მათი გათვალისწინება.
- სასურველია, პერსონალისთვის შემუშავდეს სტრუქტურირებული პროფესიული განვითარების პროგრამები შეფასების მეთოდების გამოყენების სტანდარტიზაციისთვის.

- სასურველია, გაძლიერდეს სამეცნიერო კომპონენტი, დაიგეგმოს მეტი აქტივობა და ღონისძიება მათ შორის სტუდენტების აქტიური მონაწილეობით.
- სასურველია, უნივერსიტეტს ჰქონდეს სტუდენტური პორტალი, რომელიც სტუდენტებს მიაწოდებს უფრო დეტალურ ინფორმაციას, როგორცაა: გამოცდების ქულები, შუალედური შეფასებები, სწავლის საფასური, სერტიფიკატის მოთხოვნა.
- სასურველია, გამოცდების ქულების გასაჩივრებისთვის სტუდენტებს მიეცეთ 2 დღეზე მეტი ვადა.
- სასურველია, დაწესებულების შესაბამისმა სტრუქტურამ ყურადღება გაამახვილოს პერსონალის პირადი საქმეების მოწესრიგებაზე ინფორმაციის სრულად ასახვის მიზნით.
- სასურველია, უნივერსიტეტმა მოიძიოს გზები იმისათვის, რომ უზრუნველყოს წვდომა ადალრეიტინგულ ელექტრონულ სამეცნიერო ბაზებზე.
- სასურველია, გადაიხედოს ბიუჯეტი პროგრამის განვითარების საჭიროებების შესაბამისად საბიუჯეტო მუხლების დაკონკრეტების მიზნით და წარმოდგენილი იყოს პროგრამის ფინანსური მხარდაჭერის წყაროები, როგორც პერიოდული, ასევე ერთჯერადი.
- იმის გათვალისწინებით, რომ პროგრამაზე დაიშვება ნებისმიერი სფეროს ბაკალავრის ხარისხის მქონე აპლიკანტი 5 წლიანი პროფესიული გამოცდილებით (სამუშაო სფერო არ არის განსაზღვრული), სტუდენტებმა შესაძლოა ვერ შეძლონ ზოგიერთი კურსის ათვისება. კერძოდ, "ფინანსური მენეჯმენტის და სტრატეგიული გადაწყვეტილებების მიღების" სასწავლო კურსი, სტუდენტისგან წინაპირობის სახით მოითხოვს სპეციფიკურ ცოდნას, რომლის გარეშეც რთული იქნება საგნის დამლევა. შესაბამისად, სასურველია აღნიშნული სასწავლო კურსი სავალდებულო საგნებიდან გადატანილ იქნას არჩევით კომპონენტში. სანაცვლოდ, არჩევითი კურსი "სამეწარმეო ფინანსები" გადატანილ უნდა იქნას სავალდებულო კურსების ჩამონათვალში.
- სასურველია, უფრო მკაფიოდ ჩამოყალიბდეს თუ როგორ ითვალისწინებს პროგრამის მიზნები ინტერნაციონალიზაციას. მიზნებში უფრო კონკრეტულად უნდა იყოს გათვალისწინებული ინტერნაციონალიზაციის ასპექტები, განსაკუთრებით "ბიზნესის ადმინისტრირების აღმასრულებელი სამაგისტრო პროგრამისთვის ფინანსებში" და "ბიზნესის ადმინისტრირების აღმასრულებელი სამაგისტრო პროგრამისთვის მენეჯმენტში".
- სასურველია, ყველა პროგრამის მიზნებში უფრო კონკრეტულად აღიწეროს მათი წვლილი შესაბამისი დარგების და საქართველოს საზოგადოების განვითარებაში.
- სასურველია მოწვეული და აკადემიური პერსონალის თანაფარდობა იყოს აკადემიური პერსონალის სასარგებლოდ.
- სასურველია გაიზარდოს აფილირებული აკადემიური პერსონალის რაოდენობა.
- კურსების დაბალანსებული განაწილების უზრუნველყოფის მიზნით რეკომენდებულია ახალი პროფესიონალების მოზიდვა და დაქირავება.
- სასურველია დამატებითი ზომების მიღება უნივერსიტეტის აკადემიური პერსონალის გასაძლიერებლად დოქტორის ხარისხის მქონე კვალიფიციური პროფესიონალების დაქირავების გზით.

5. საბჭოს აღნიშნული გადაწყვეტილება ძალაში შევიდეს 2025 წლის 21 თებერვალს.

6. საბჭოს მიერ გაცემული რეკომენდაციების შესრულების შესახებ ანგარიშის წარმოდგენის ვადად განისაზღვროს 1 წელი - 2026 წლის 21 თებერვლამდე.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში

წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) დაწესებულების ინფორმირების დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო
მდივანი
ტეფნაძე დავით

დ. 07.06.13

საგანმანათლებლო პროგრამების აკრედიტაციის საბჭო
საბჭოს თავმჯდომარე
ლომინაძე თამარ

თ. ლომინაძე

